
УЧКЎПРИК ТУМАНИДА 15 ГЕКТАР МАЙДОНДА БАРПО ЭТИЛАЁТГАН “БОБОШБЕК” САВДО ВА ИШЛАБ ЧИҚАРИШ МАЖМУАСИГА ДАСТЛАБКИ ҒИШТ ҚЎЙИЛДИ

Бугун вилоят ҳокими Хайрулло Бозоров Учкўприк туманида бўлиб, “Бобошбек” маҳалла фуқаролар йиғини ҳудудида 15 гектар майдонда бунёд этилаётган енгил саноат маҳсулотлари ишлаб чиқариш, логистика ва савдо комплекси қурилишига биринчи ғишт қўйиш тадбирида иштирок этди.

Юртимизда илк бор барпо этилаётган замонавий енгил саноат ва савдо мажмуасида 2 та логистика маркази, 212 та ишлаб чиқариш цехи, 336 та савдо дўкони, 560 та кичик савдо растаси ташкил этилиши режалаштирилган. 7 минг 700 дан ортиқ фуқаролар ўз иш ўринларига эга бўлишади.

Қурилиш ишларини амалга ошириш учун вилоятимиздаги йирик қурилиш компаниялари жалб этилган. Лойиҳани яқунлаб фойдаланишга топшириш учун вилоят раҳбари томонидан олти ой муддат белгилаб берилган.

Ушбу лойиҳа орқали асосан “Бобошбек”, “Бекмурод”, “Зиғир”, “Палохон” ва “Яккамулла” маҳалла фуқаролар йиғинларида ўз хонадонларида тикувчилик, трикотаж маҳсулотлари тайёрлаб келаётган аҳолига қулайлик яратиш кўзда тутилган.

Бизни ижтимоий тармоқларда кузатинг [Facebook](#),
2021-11-29 15:52:54